

MFỌN ABASI ỌNỌ UKPỌŃ NSAT-ITỌŃ

Psalm 42:1-11; 63:1-11; 65:1-13

ỌYỌHỌ UKPEP-ŃKPỌ 447

Eke Mkparawa

IKỌ IBUOT: “Ọfọfọn ọnọ mmọ eke ekopde biọñ ye nsat-itọñ edinen ido: koro mmọ eyeyuhọ” (Matthew 5:6).

Ke ini Saul ye mbon-ekọñ ekebinede David, ukpọñ David (kpa ye esit idemesie) ama eñwek onyũ oyom Abasi. Enye ama ọfuhọ eti-eti, mmọñ-eyet esie ọkọwọrọ okoneyo ye uwemeyo sia mme asua esie ekesakde enye nsahi enyũ edọhọ ete, “Enye Abasi fo?” Enye eketie nte edop emi udim ekpe ebinede tutu enye akpa mba inyũ ikemeke ndika iso. Edieke enye mikwe ebiet udibe, mme ekpe oro ke akpatre eyemum enye enyũ ewot enye.

Ebiet-udibe Anditiene-Christ

Anditiene-Christ enyene asua ñko. Ñwed Abasi ọdọhọ, “Asua mbufo, kpa satan, ke oyoyo nte lion eke okunide, oyom se editade” (1 Peter 5:8). Andidiọk oyom ndiwot anditiene-Christ nta, midighe omum enye ke odudu man enye okunam ñkpọ ọnọ Jesus edi akabare edi eyen ufọk satan.

Edi anditiene-Christ enyene ebiet-udibe ke Jesus. Nnyin ikot ke Ñwed Abasi: “Enye Jehovah edi ọkposọñ tọwer: eti owo efehe oduk ke esit, ndien odu ke ifure” (Mme Ñke 18:10). Nnyin ifiori ikot Jesus ndien Enye anyaña ikọt Esie.

Akam David ekedi, “Ke ini ewe ke ndikeme ndika ñkowut Abasi idem mi?” Enye ekekere ini emi enye edikemedede ndidi ke ufọk-Abasi ke Jerusalem nnyũ ntọñọ edọñ do ke iso Abasi. Enye, ñko okoyom ebiet-udibe. Nte afo emenyene udọñ ndika ke ufọk Abasi? Nte afo emekpeme ini mboho man ekeme ndikwọ onyũ ọbọñ akam onyũ osobo ye Abasi? Do afo emekeme ndinyene uñwam ke ini idomo ye afanikọñ edide.

Item David

Nte David ekekere abaña mme ini emi enye akakade ke ufọk-Abasi kpa nte Abasi akasiande mme Jew ete enam (Deuteronomy 12:5-14). Enye ama ekere ke esit esie ete: “Nsinam esit mi ọfuhode? Nsinam ami mmenyeneke nduok-odudu edi nnyenede mfina? Nnyene ndidop uyo nnyũ ndori enyin ke Abasi, koro Enye eyesiak usuñ ọnọ mi ndifiak ndu ke ufọk Esie ke Jerusalem, ñko nyefiok nte ke edima iso Esie ke esese mi nte mbọñde akam.”

David ekekere ete ke mfina esie okpon nte mbufut akwa inyañ emi oyomode ke ibuot esie, kpa ye oro enye enyene ndọñ-esit ke ọfiokde ete ke ofuri uwemeyo, ima ye mfọnido Abasi okodu ye enye, ndien ke kpukpru okoneyo ikwọ Abasi okododu do. Onyũ osuk edi ntre ye kpukpru anditiene-Christ.

Ndikpere Abasi

Mbemiso afo aka ufọk-ñwed ke usenubok, nte emesida ini okot itie ukpẹp-ñkpọ ke Ñwed Abasi, ọtọñọ edọñ onyũ ebeñe Abasi ndikpeme fi, anam fi ọfọn ama onyũ asana ke ofuri usen oro? Do ke Jesus ekpere ofuri usen oro, ndien ke ima ye mfọn-ido Enye añwam fi ke ini oyomde Enye. Ke ini eyo okutde, ọfọn nditọñọ ntak ñkot Ikọ Esie; ndinyũ ñkọm Enye ke kpukpru mme edidiọñ eke usen oro. Ke okoneyo, Enye esin edinem ikwọ Eti-mbuk ke esit fo ndinọ fi uko nnyũ nteme fi. Tim kpeme ndikpañ utọñ, koro ke ediwak ini Jesus etiñ ikọ ọnọ mme owo ebe ke ikọ ikwọ. Nsinam nnyin idide ke Zion, me ke ufọk Abasi? Nte idighe nditoro Abasi ndinyũ nsio mme akaña nnyin, kpa mme ñkpọ emi nnyin ikọdọhode Abasi ite ke iyenam ke ini emi Enye akanyañade ukpọñ nnyin? “Ami nyeyak uwem mi nnọ Fi,” oro edi se ikọdọhode, ndien kpukpru ini eke idide ke ufọk-Abasi nditoro nnyũ mbọñ akam, nnyin iduñọre esit nnyin. Nte nnyin ke idodu uwem ofuri-ofuri inọ Abasi, mme ukwọrọ-ikọ emi otode ke Ñwed Abasi owut uwem ibuk ke idem nnyin emi oyomde inam ọfọn?

“O Afo emi okopde akam, . . .” anie ekeme nditiene akwa Abasi emi okopde akam? Nte odu mme owo saña-saña emi enyenede nditiene Abasi ke akam? Baba. Andiwet Psalm ọdọhọ ete, “kpukpru obukidem eyetiene Fi.” Oro ọwọrọ ete kpukpru owo. Owo ekededi eke odude uwem idahaemi, me owo emi ama okodu uwem, ama ọbọñ akam, midighe ke ini iso eyetọñọ edọñ onyũ ọbọñ akam ọnọ Abasi (Ñwed Mbon Rome

14:11). Idahemi anam-idiok kiet-kiet emekeme nditiene Jesus nkebeñe erifen, anditiene-Christ kiet-kiet etiene Jesus nditoro nnyuñ nkòm Enye ndinyuñ mbeñe uñwam ndinem Abasi esit ke kpukpru usuñ. Kpa mmọ emi minyimeke enyuñ esinde ndibon akam idahaemi, usen kiet eyeton edon ke iso Abasi enyuñ ekpono enye.

Okposuk edi mme anam-idiok ekemede nditiñ ikọ ndibiat nnyin, enyuñ edomode ndisin nnyin ke afanikon, edieke Jesus ama ekafen mme idiok-nkpọ nnyin; esit nnyin inyuñ ibiomke nnyin ikpe, nnyin ifehe ika ebiet-udibe nnyin ke Jesus do ke inyene ubon. Nnyin imonim ite Enye emekeme ndinam kpukpru nkpo ke ufon nnyin.

Se Ema Ekememek

“Ofon onọ owo emi Afo emekde, ...” Nte Enye ememek fi? Owo ekededi ekeme ndibon erinyaña, edieke enyuñ enyafade fi, ema emek fi nte anditiene Jesus, koro Jesus okodon mbet Esie ete, “Ami nkemek mbufo” (John 15:16). “Ofon onọ owo eke afo edimekde, onyuñ anamde asañ ekpere Fi, ...” Anditiene-Christ etiene onyuñ asañ ekpere Abasi ke akam, ebe ke ikọ-ntiense idem esie, ebe ke edikpan uton ke ukwor-ikọ Abasi ke ufok-Abasi. “Onyuñ oduñ ke okure fo,” oro edi, efe-esop ufok-Abasi. Nso utọ ifet ke edi ke emekde nnyin nditiene nnam nkpo ekededi ke ufok-Abasi! Ikpenyene udon ndinam akpanikọ adaña didie ke mme itie nnyin, ekpedi ke ndinwam ke ukpep-nkpọ Usen Obon nte andikpep me ndibre nkpo ikwo, nditiñ ikọ-ntiense, me ndibon akam ke nkpo-itie-mbom!

Nte Abasi Okponde

“Ke mme enyene ndik nkpo” (ke mme ikpo usuñ) Abasi eyebon nnyin, oro edi Abasi emi midighe Abasi erinyaña **nnyin** ikpon, edi nko eke iberedem ye uñwam onọ kpukpru mmọ eke eduñde ke mme utit ererimbot ye kpukpru mmọ eke edude ko ke inyan.

“Ke ukeme esie.” Andiwet Psalm odomo nditiñ nno nnyin nte Abasi okponde. Ke odudu Esie ke Enye okobot ererimbot emi ye kpukpru se idude ke esit. Enye eketiñ ikọ ndien enye onon owut idem; Enye okonon uyo ndien mme obot eson eda. Enye obon mmọ ye odudu man mmọ ebighi ke ofuri emana tutu Abasi okut ererimbot nte fon (Mme Hebrew 1:12), onyuñ anam obufa enyon ye obufa ison (2 Peter 3:13). Abasi anam mbufut inyan odobo ye oyobio, kpa nte Jesus akanamde ke oyobio Inyan Galilee, ndien ke mme usen iso, Enye eyenam akwa uyom ye ndutime mme idiok owo edobo ke ererimbot. Mme nwon-nda idion okposon odudu Abasi, oro edi, mme oyobio, mme obuma, mme emireñ-mireñ, mme idan ntanta-onon, udibe iso utin ye fon (eclipses), mme mkposon ofim emi ebarade, mme unyek-ison, edi mme nkpo-ndik emi eyarade ewut mme owo ke kpukpru ebiet nte Abasi ononde ke odudu. Utin emi edemerede nnyin ke usiere onon nnyin inemesit nte nnyin iwonde ika utom usen nnyin, ye ndiye-nwet ikpa-enyon ke mbubreyo enon nnyin idaresit nte nnyin ikerede ibana uyai ubon-utom Abasi.

Ekom

“Afo emedi ndise ison,” Kere banya nte Abasi ononrede edi ndise mme itie ison emi eyomde edim man etim ison oro idem ke edifuñ ye editon mkpasip ibokpot! Enye eberede ikpa-enyon man onon inwan mmon. Ke efunde ema, mme edim enam ison emem ndibon mkpasip ke ebiet emi anade obon ufiop ye mmon nte Abasi esede abanya enye nte otibede.

“Afo amada anyanya ufon fo ayara isua.” Eyarade ewut nte Abasi ayarade ison anyanya. Ke eritonon, Enye okobot utin, fon ye mme ntanta-onon, “ndidi idion ye mme ini, ye mme usen ye isua.” Ndien nte mmọ esafade ekanare ke mme usuñ mmọ, mmọ enon uñwana ye ufiop ke uwemeyo ye ke okoneyo ke kpukpru ekondo, Abasi ke ifion ye ukpeme Esie anam mkpri mkpasip ye mme nkpo inwan ekori enyuñ enwum fon. Kpa ke mme akai-ikot emi owo mikemeke ndifuñ ison nton nkpo, Abasi otim anam mbiet ekori ekem se mme unam etade.

Mme awawa mbiet ekori ke enyon obot, ndien mme eron ye mme unam eken eta. Eton mme ibokpot, wheat ye barley ke mme itihere. Kpukpru mmọ ekwo enyuñ esio mkpo idara! Ata onon itoro enyene Abasi emi ononde ke ima nkpri nditon iban ye iren, ikpo iban ye iren, mme nkpo emi enanade mmọ ke ikpohidem ye ke ukpon ke ofuri ererimbot.

MME MBUME

- 1 Didie ke David okowut udõn esie ndidu ke edisana ebiet ukpono Abasi, ufõk-Abasi?
- 2 Didie ke enye õkõdõn idem esit ke ini mme asua ekebinede enye, ndien enye ikekemeke ndiduk ke Ataya ke Jerusalem?
- 3 Nso ke Abasi akanam ndiñwam David ke uwemeyo ye ke okoneyo?
- 4 Nso ke David akanam ke ini enye akanade ke okoneyo?
- 5 Nso ikpedi uduak nnyin ke ini nnyin ikade ke ufõk-Abasi?
- 6 Anie ekpetiene Abasi ke akam?
- 7 Anie edi owo emi ediõnde?
- 8 Siak mme nsio-nsio ñkpõ emi Abasi anamde ndiwut mme owo utibe ye õkpõõõn odudu Esie ke ofuri ererimbot.
- 9 Nso ñkpõ ke Abasi ada edi ke isõn man ada udia õõk owo ye unam?
- 10 Andiwet Psalm etiñ abaña nso ke ini enye õdõhõde “Mmõ esio mkpo idara, mmõ ekwõ ikwõ”?